

آبونه شرائطی

ممالک عثمانیہ دہ سنہ لکی (۶۵)، الق
آیاتی (۳۵) غروشدہ .

ممالک اجنبیہ دہ سنہ لکی (۱۷)، الق
آیاتی (۹) فرانقدر .

ادارہ خانہ

ناب عالی جادہ سندہ دائرہ مخصوصہ

اضطارات

آبونه بدلی پشندر .

§

مساکہ موافق آثار مع الممنونیه قبول
اولنور . درج ایدلہ بن یازیلر اعاءہ
اولونماز .

کتابخانه

۱۳۳۰

دینی ، فلسفی ، علمی ، ادبی ، سیاسی ہنہ لق مجموعہ اسلامیہ در .

واللہ یرہدی من یشاء الی صراط مستقیم

صاحب و مدیر مسئول : مع . اشرف ادیب

اتبعون اہدکم سبیل الرشاد

عدد ۶۶۶

۱۶ شوال ۱۳۳۱

پنجشنبہ

۵ ایلول ۱۳۲۹

جلد ۱۱

اضطارات

رسالہ ضرورتی کو - ترمک شرطیلہ
بتون یازیلر ہرہانکی رفرتہ طرفندن
انتباس اولونہ پاید .

§

مکتوبلرک ، امضالرک وضع و اوقوناقلی
اولمسی و آبونہ صرہ نومروسی محتوی
بولونمسی لازندر .

§

ممالک اجنبیہ ایچون آبونہ اولالمرک
آدرسلرینک فرانسرچہ دہ یارلمسی رجا
اولنور .

§

پارہ کوئدرادیکی زمانہ یہ دائر اولدیغیک
واضحاً ییلدیلمسی رجا اولنور .

بلغارستان مسلمانلارینک فریادی

اوتوز بش سینه دبرو بلغارستانده مسکون اولان بر ملیونه قریب وایکنجی درجه ده اکثریتی حائز اولان اسلاملرک حقوق ملیه و دینی لری نکه ندرجه ده حمایتدن عاری اولدیغنی بیامه یین یوقدر .

بلغارستانک بلغارلردن صکره الک صادق اهلایسینی مسلمانلر تشکیل ایتدکلری حالده بیچاره لر سفر برلرکک اعلانندن برو انکیزیسیون مظالمه رحمت اوقوتدیردجق ظلم واشکنجه لره معروض قالدیلر .

ایکی آیدن برو رومانیاشغال عسکریمی آلتنده یشایان شمالی بلغارستان اسلاملری بو کره رومانیاردوسنک بلغارستان طوپراغندن چکلمکه باشلامسیله یکیدن پک بیوک تهلککلر کچیرمکده درلر .

بلغارلر رومانیاشغال عسکریمی چکیایر چکلمز محوم اسلاملری قتل ایدمککلیغنی علماً سویلمکده درلر . کرک سوقاقلرده ، کرک خانهلرده ایکی اسلامک کوروشمسی شدتله منع ایدلمشدر . هنوز رومان اشغال عسکریمی آلتنده بولنان زشتوی قضاسینده دهاشمیدین انواع مظالم وقوع بولمشدر . بلغارلرکیچهلری اسلام خانهلرینه کیروب قادیلرک ناموسلرینه تعرضده بولمشلر و ائاریینه کچیردکلری اشیالری یغما ایتشدر .

زشتویه ملحق « هیلار » قریاسنده بر مسلمان بلغارلر طرفندن حیاتندن قطع امید ایدیلرک بر صورت غدارانده ضرب ایدلمشدر . زشتویده آت بازارنده کی اسلام مزارلری عسکریمی قوماندانلری طرفندن ضبط ایدیلوب عسکره تعلیمکده اتخاذا ایدلدی .

وحشی بلغار عسکرلری شالی اجدادیمزک کیمکارینی قانلی چیزمدلری آلتنده چکینه مکده ، قابلیمزه قان آشتلیمده درلر .

« فله » « واستانیقه » یه ملحق کویلرده بیکارجه اسلاملری جبراً خرستیان یایدیلر .

حکومه هر کون صورت رسمیه ده ایدیلان شکایات و نیازیمز سمع اعتباره آلبامتمده در . قریباً وقوعه کلبی محقق اولان تعرض و قتالدن قورتواق ایچون بیکارجه اسلام عائلهلری رومانیاردوسیه برلکده کیتمکه قرار ویردیلر .

« وارجه » « نیکولی » و « زشتوی » مسلمانلردن بیک ایکی یوز الی خانادن مرکب برقلله بدبخت اسلام دونکی کون رومانیا طوپراغنه کچیدیلر . برسندر « ره کوزنیسیا » نامه بتون ماللریمز آلریمزدن آلتدقدن و صوک اوچنجی محاربه ده بلغار عسکرلریله اوموز اوموزه حرب ایدرک یکریمی بیکدن زیاده مسلمان بلغارستان اوغرنده سیاه طوپراقلره بوروندکدن صکره بو کون قتل عام قورقوسیه رومانیا طوپراغندانتجایه مجبور اولیوروز .

رومانیا اردوسی چکلمکدن صوکر بلغارستاند قالمق فلاکتته معروض قالان قرداشلریمز هر آن دقیقه شهادتک حلوانسه انتظار ایدمککدر .

بلغارلر قدر خونخوار بر مات دنیاده یوقدر .

بلغارستانده کی اسرای عثمانیه نکه حالری آغلانه جق بر درجه ده در . بیچاره لک آتشین صیجاقلرده کونده اون بش اون آلتی ساعت آرقه لرنده یوزدن ایکی یوز کیلویه قدر یوک طاشیتدیرلق کبی الک سفلی خدمتلرده قوللانیلمکده درلر . اسرای عثمانیه بلغارستانه کتیرلکدرنده اوزرنده کی البسلر بلغارلر طرفندن غصب ایدلدیکندن زوالیلر چیریل چییلاق بر اقلمشلردر . حکومت عثمانیه بلغارستانله یاپه جنی معاهده صاحبه ده بلغارستانده کی عنصر اسلامی تحت تأمین آمازسه بلغارستان اسلاملرینک تاریخده نام و نشانلری قالمایه جقدر .

بلغارستاندن فرار ایدن

رومانیا : ...

بر مسلمان

سبیل الرشاد صریحه اسلامیه

افندم !

بتون اسلاملرک سبب سعادتی اوله جق سبیل الرشاد مجموعه اسلامیه سنک بودفعه کی نسخه سی اخوان دیندن « ترزی عثمان ذکی افندی بی » توصیه ایلوردی ؛ انطاکیه ده ، سبیل الرشاد قارئلرینک جمله سی ممنون اولدی . بو وسیله ایله عاجزانه اوله رق سزه مملکتیمزده کی خرستیانلر طرفندن ترزی انحصاری بیلدیره جکم :

مملکتیمز اولان انطاکیه قضاسنده هیچ براسلام ، ترزی یوقدر . بتون بوضعت خرستیانلر اللرنده قالمشدر . بولره ؛ مجاناً خدمت ایتک اوزره اسلاملر طرفندن بریسی ترزیلکی اوکرتمک ایچون مراجعت ایتدیکنده قبول ایتیمورلر ، اوکرتمورلر . حتی شوکونلرده یایدقلمی براتاقه نظراً مملکتیمز اهالی اسلامیه سنک اسلام تجارلر مزدن آلدینی چوقه لری دیکیمورلر ، یواش یواش چوقه تجارتی ده انحصارده وشه جک . بودرجه آشکار اولان اتفاقلرینه قارشى اغنیاء اسلامیه مز برچاره دوشوند . یسده برشی یاپه مدیلر ؛ بوکون بتون بو انحصارلره ، بومصیبتلره نهایت ویرمک ایچون اشرافدن معلوماتی ، ذکی برذات ؛ اعلان ایتدیککنز پارس ترزی مکتبندن دیپلوماکی الحاج ابراهیم افندی زاده عثمان ذکی افندیدن تعلم ایتک اوزره طرفکرزه کلهرک مجاناً خدمت ایتک ایسته یور . سزی اسلاملرک ترقیسنه رهبر بیلدیکمز ایچون مراجعت ایدیوروز . لطفناً بوکله جک ذاتک نه صورتله قبول کورده جکنی بیلدیرمکزی اسلامیت نامنه رجا ایدوروز . انطاکیه - حلب مکتب سلطانی طلبه لرندن جمالی زاده

محمد عصمت

سبیل الرشاد . — مومی الیه ذکی بکله کوروشدک ، کله جک ذاتی مع الممنونیه قبول ایدمککلیغنی و آرزمانده ترزیلک صنعتی اوکرتمک ایچون صوک درجه غیرت و فدا کارلقده بولونه جقلرینی بیان ایتدیلر . ذاتاً مملکتیمزده ترزیلک صنعتی تعلیم ایچون یقینده براسلام البسه فابریقه سی آچیورلرکه بوسایه ده کرک استانبولده ، کرک آناتولیده اسلام صنعتکارلرینک چوغالمسینه پک بو یوک بر خدمت ایدیلش اوله جقدر . جناب حق بویلا ناموسلی ، چالیشقان ، متشبث صنعتکارلر مزی تزید ایتسون .